



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU GRADANSKOG SAVEZA

Broj: 03-07-6-596/17  
Sarajevo, 05.09.2018. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	9

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Građanskog saveza za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2016. godinu Građanskog saveza, utvrđeno je da je stranka prekršila odredbe člana 8., člana 11. stav (1) i člana 12. stav (1), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.**

**Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Građanskog saveza za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Građanski savez se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	960,00	1,57
2.	Prilozi fizičkih lica ( 3-a )	20.453,07	33,54
3.	Prilozi pravnih lica ( 3-b )	16.318,00	26,75
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	18.990,00	31,13
7.	Prihodi iz budžeta ( 3-f )	4.271,33	7,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>60.992,40</b>	<b>100,00</b>
<b>II</b>	<b>Ostali prihodi i drugo</b>	<b>0,00</b>	<b>0,00</b>
	<b>Izvori finansiranja (I+II)</b>	<b>60.992,40</b>	<b>100,00</b>

U godišnjem finansijskom izvještaju stranka je iskazala rashode u ukupnom iznosu od 79.852,05 KM.

## 2. PREDSTAVLJANJE POLITIČKE STRANKE

Naziv političke stranke: Građanski savez. Skraćeni naziv: GS.

Građanski savez registrovan je kod Općinskog suda u Sarajevu rješenjem broj: 065-0-F1-16-000003 od 04.05.2016. godine. Rješenjem istog suda u Sarajevu, broj: 065-0-F1-17-000020 od 03.01.2018. godine upisane su promjene sjedišta stranke i lica ovlaštenog za zastupanje i predstavljanje stranke.

Sjedište političke stranke je u Sarajevu, ulica Terezija bb.<sup>1</sup>

Ovlašteno lice za predstavljanje i zastupanje stranke je Reuf Bajrović, predsjednik<sup>2</sup>.  
Lice ovlašteno za podnošenje finansijskih izvještaja za 2016. godinu je Nihad Čolpa.

Prema podacima iz godišnjeg finansijskog izvještaja za 2016. godinu, Građanski savez nema niže nivo organizovanja.

<sup>1</sup> Na osnovu Rješenja Općinskog suda u Sarajevu, nova adresa stranke je ulica Branilaca Sarajeva 47/2, Sarajevo.

<sup>2</sup> Nakon održanog prvog kongresa Građanskog saveza od 09.09.2017. godine, stranka je dostavila obavještenje, broj: 06/18 od 14.03.2018. godine o promjeni ovlašćenog lica za predstavljanje i zastupanje stranke. Umjesto Reufa Bajramovića, kao predsjednik stranke imenovan je Nihad Čolpa.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Građanskog saveza za 2016. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

**Obim pregleda i kontrole** finansijskih izvještaja Građanskog saveza obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja, sa posebnim naglaskom na prihode iz budžeta, priloge fizičkih i pravnih lica, nenovčane donacije i troškove kampanje.

### **4. PRETHODNE KONTROLE I REVIZIJE**

Pregled i kontrola godišnjeg finansijskog izvještaja Građanskog saveza obavlja se prvi put.

### **5. NALAZI I PREPORUKE**

#### **5.1 NALAZI**

#### **a) Građanski savez je ostvario zabranjeni priloge, čime je prekršio odredbe člana 8. Zakona o finansiranju političkih stranaka.**

- (1) Kontrolom godišnjeg finansijskog izvještaja političke stranke Građanski savez, utvrđeno je da je stranka ostvarila priliv sredstava iz inostranstva u iznosu od 5.623,32 \$, koja su 24.10.2016. godine uplaćena na devizni račun stranke, broj: 5550000029921511 kod Nove banke a.d. Banja Luka. Pomenuta sredstva stranka je u finansijskom izvještaju prijavila kao priloge fizičkih lica. Predsjednik političke stranke, te osoba ovlaštena za podnošenje finansijskih izvještaja navodi da su navedena sredstva prikupljena kao donacije od 39 fizičkih lica i ista su uplaćena putem pay pall-a. Međutim, ovlaštena osoba nije dostavila podatke o pay pall računu, kao računu političke stranke, niti podatke o njegovom prometu.

U nedostaku dokaza o pay pall sistemu plaćanja, te sa kog računa su stranci uplaćena sredstva, Služba za reviziju se obratila banci i tražila dodatno pojašnjenje u vezi pomenute transakcije. Nova banka a.d. Banja Luka je dostavila odgovor, u kome navodi da je stranka ostvarila priliv sredstava dana 24.10.2016. godine putem SWIFT MT 103 poruke upućene od strane Wells Fargo Bank, San Francisco, US, u korist računa Banke kod Deutsche bank Trust Company Americas New York, US. Takođe je navela da je političkoj stranci, kao klijentu banke, priliv raspoređen na njegov devizni račun kod ove banke na osnovu pisanog zahtjeva tadašnjeg predsjednika stranke, u kome navodi da se radi o sredstvima koja su na pay pall račun stranke u US uplatila fizička lica kao donacije, te da banka nije u mogućnosti da dozna bilo kakve podatke vezane za račun klijenta u pay pall –u, niti ima bilo kakve odnose sa pay pall-om.

Uvidom u izvod sa deviznog računa stranke kod Nove banke a.d. Banja Luka utvrđeno da je priliv sredstava izvršen po nalogu INDIEGOGO, Inc 301 8TH STREEET, STE. 225 SAN FRANCISCO CA 94103, iz koga se ne vidi da su to prilozi fizičkih lica, a obzirom da je u

skladu sa odredbama iz člana 8. stav (1) tačka i) Zakona o finansiranju političkih stranaka zabranjeno stranim pravnim licima da finansiraju političke stranke, kao i da je u skladu sa odredbom iz istog člana zakona stav (6), zabranjeno davanje dobrovoljnih priloga posredstvom trećih lica (posrednika), stranka je ostvarila zabranjeni prilog u iznosu od 5.623,32 \$, odnosno u protuvrijednosti od 10.116,11 KM.

- (2) Građanski savez je primio zabranjeni prilog, u iznosu od 500,00 KM od pravnog lica „Hifa Oil“ d.o.o. Tešanj, koje je sa Općinom Banovići sklopilo ugovor o javnim nabavkama, koji prelazi 10.000,00 KM. Općina Banovići je aktom, broj: 01-05-1847/17 od 30.11.2017. godine dostavila podatke i Ugovor o javnim nabavkama goriva i maziva koji je sklopila sa pravnim licem „Hifa Oil“ d.o.o. Tešanj za potrebe općinskog organa državne službe Općine Banovići, ukupne vrijednosti 18.265,76 KM bez uračunatog PDV, odnosno 21.370,94 KM sa PDV<sup>3</sup>. Primanjem zabranjenog priloga, stranka je prekršila odredbe člana 8. stav (4) Zakona o finansiranju političkih stranaka<sup>4</sup>.

**b) Građanski savez nije postupio u skladu sa odredbama člana 11. stav (1)<sup>5</sup>, člana 12. stav (1)<sup>6</sup>, (3)<sup>7</sup> i (4)<sup>8</sup> Zakona o finansiranju političkih stranaka i odredbama člana 15.1 stav (1) Izbornog zakona Bosne i Hercegovine.**

Pregledom finansijskih izvještaja utvrđeno je da Građanski savez nije vodio poslovne knjige u skladu sa računovodstvenim propisima, nije uspostavio potpune evidencije o svojim prihodima, rashodima i obavezama, nije dostavio finansijski izvještaju za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine u zakonom propisanom roku i nije obrasce godišnjeg finansijskog izvještaja za 2016. godinu popunio u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršio odredbe člana 11. stav (1) i člana 12. stav (1), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- (1) Građanski savez nije u obrascu 2 (pregled prometa svih transakcijskih računa političke stranke) pravilno iskazao promet ulaza, promet izlaza i saldo po transakcijskim računima stranke, čime je prekršio odredbe člana 11. Pravilnika.
- Stranka je u obrascu 2 iskazala podatke o prometu na trasakcijskom računu broj: 1610000165770198 kod Raiffeisen banke d.d. Sarajevo, i to: početno stanje iznosilo 0,00 KM, promet ulaza 11.200,00 KM, promet izlaza 11.187,38 KM i saldo na dan 31.12.2016. godine u iznosu od 12,62 KM.  
Kontrolom izvoda utvrđeno je da je početno stanje računa iznosilo 0,00 KM, ukupan promet ulaza iznosio 11.410,00 KM, ukupan promet izlaza 11.418,13 KM i saldo na dan 31.12.2016 godine u iznosu od 1,87 KM.

<sup>3</sup> Ugovor, broj: 01-05-1056/16 od 23.06.2016. godine.

<sup>4</sup> Privatna preduzeća koja su s organima izvršne vlasti na svim nivoima u BiH sklopila ugovor o javnoj nabavci usluga, ugovor o javnoj nabavci roba ili ugovor o javnoj nabavci radova u skladu s propisima o javnim nabavkama u BiH ne mogu finansijski pomagati političke stranke ako vrijednost ugovora u jednoj kalendarskoj godini prelazi iznos od 10.000,00 KM.

<sup>5</sup> Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

<sup>6</sup> Politička stranka vodi evidenciju o svojim prihodima i rashodima.

<sup>7</sup> Politička stranka podnosi poseban finansijski izvještaj za period izborne propagande na način kako je utvrđeno Izbornim zakonom BiH. Rok za podnošenje izvještaja bio je 01.12.2016. godine.

<sup>8</sup> Do 31.03. naredne godine politička stranka podnosi finansijski izvještaj u formi koju odobri Centralna izborna komisija BiH.

- Građanski savez je u obrascu 2 iskazao podatke o prometu na transakcijskom računu broj: 1376106007128004 kod Moje banke d.d. Sarajevo, i to: početno stanje 0,00 KM, promet ulaza 10.082,97 KM, promet izlaza 10.082,97 KM i saldo na dan 31.12.2016 godine u iznosu od 0,00 KM.

Kontrolom izvoda utvrđeno je da je početno stanje računa iznosilo 0,00 KM, ukupan promet ulaza 10.509,02 KM, ukupan promet izlaza 10.082,97 KM i saldo na dan 31.12.2016 godine u iznosu od 426,05 KM.<sup>9</sup>

Radi provođenja postupka pripajanja Moje banke d.d. Sarajevo Investiciono-komercijalnoj banci d.d. Zenica, nakon kojeg su nastavile poslovati kao jedna banka, došlo je do izmjene broja transakcijskog računa Građanskog saveza. Sve uplate na račun stranke od 01.08.2016. godine vršene su na transakcijski račun Investiciono-komercijalne banke d. d. Zenica, broj: 1346101001725028.

Stranka je u obrascu 2 iskazala podatke o prometu na transakcijskom računu Investiciono-komercijalne banke d.d. Zenica, i to: početno stanje 0,00 KM, promet ulaza 3.646,19 KM, promet izlaza 3.447,13 KM i saldo na dan 31.12.2016. godine u iznosu od 199,06 KM.

Kontrolom izvoda utvrđeno je da je početno stanje iznosilo 426,05 KM, promet ulaza 3.220,07 KM, promet izlaza 3.447,13 KM i saldo na dan 31.12.2016. godine u iznosu od 198,99 KM.<sup>10</sup>

- Stranka je u obrascu 2 iskazala podatke o prometu na deviznom transakcijskom računu broj: 5550000029921511 kod Nove banke a.d. Banja Luka, i to: početno stanje iznosilo 0,00 KM, promet ulaza 10.101,11 KM, promet izlaza 10.101,11 KM i saldo na dan 31.12.2016. godine u iznosu od 0,00 KM.

Kontrolom kartice računa za period 01.01. do 31.12.2016. godine, utvrđeno je da je početno stanje računa iznosilo 0,00 KM, ukupan promet ulaza 10.116,11 KM, ukupan promet izlaza 10.116,11 KM i saldo na dan 31.12.2016 godine u iznosu od 0,00 KM.

- (2) Pregledom godišnjeg finansijskog izvještaja, poslovnih knjiga i dodatne dokumentacije utvrđeno je da Građanski savez nije uspostavio potpune i tačne evidencije o prihodima stranke, te ih nije pravilno iskazao u finansijskom izvještaju, čime je prekršio odredbe člana 13., 14. i 15. Pravilnika.

- Stranka je u obrascu 3 (izvori finansiranja) godišnjeg finansijskog izvještaja iskazala prihode u iznosu od 60.992,40 KM, dok su ukupni prihodi u Bilansu uspjeha evidentirani u iznosu od 36.803,00 KM, što je za 24.189,40 KM manje u odnosu na iskazani iznos u finansijskom izvještaju. Stranka u poslovnim knjigama nije evidentirala nenovčane donacije u iznosu od 18.990,00 KM.
- Pregledom godišnjeg finansijskog izvještaja je utvrđeno da Građanski savez u obrascima 3 (izvori finansiranja) i 3-a (prilozi fizičkih lica) nije pravilno iskazao priloge fizičkih lica, čime je prekršio odredbe člana 13. i 14. Pravilnika. Stranka je u obrascima 3 i 3-a iskazala ukupne priloge fizičkih lica u iznosu od 20.453,07 KM. Kontrolom izvoda sa transakcijskih računa stranke, utvrđeno je da su prilozi fizičkih lica iznosili 20.515,43 KM, što je za 62,36 KM manje u odnosu na iskazani iznos.
- U obrascima 3 i 3-b (prilozi pravnih lica) godišnjeg finansijskog izvještaja, stranka nije pravilno iskazala priloge pravnih lica, čime je prekršila odredbe člana 13. i 15. Pravilnika.

<sup>9</sup> Stanje na transakcijskom računu na dan 31.07.2016. godine.

<sup>10</sup> Promet na transakcijskom računu za period 01.8.-31.12.2016. godine.

Stranka je u obrascima 3 i 3-b iskazala ukupne priloge pravnih lica u iznosu od 16.318,00 KM. Kontrolom izvoda sa transakcijskih računa stranke, utvrđeno je da su prilozi od pravnih lica iznosili 10.000,00 KM. Stranka je iznos od 6.318,00 KM u finansijskom izvještaju istovremeno prijavila i kao novčani prilog na obrazcu 3-b i kao nenovčani prilog na obrascu 3-e.

- (3) Pregledom godišnjeg finansijskog izvještaja, poslovnih knjiga i dodatne dokumentacije utvrđeno je da Građanski savez nije uspostavio potpune i tačne evidencije o rashodima stranke, te ih nije pravilno iskazao u finansijskom izvještaju, čime je prekršio odredbe člana 21. i 22. Pravilnika.

- Stranka je u obrascu 4 (rashodi političke stranke) godišnjeg finansijskog izvještaja iskazala rashode u iznosu od 79.852,05 KM KM, dok su ukupni rashodi u Bilansu uspjeha evidentirani u iznosu od 72.970,00 KM, što je za 6.882,05 KM manje u odnosu na evidentirani iznos u finansijskom izvještaju.
- Stranka u obrascu 4.1 (režijsko-administrativni i ostali troškovi) finansijskog izvještaja nije pravilno iskazala troškove zakupa poslovnog prostora u vlasništvu Ekonomskog instituta Sarajevo, čime je prekršila odredbe člana 21. i 22. Pravilnika.

Stranka je u obrascu 4.1 iskazala troškove zakupa poslovnog prostora u iznosu od 4.570,00 KM. Pregledom dodatne dokumentacije, utvrđeno je da je u skladu sa Ugovorom broj: 26/16 od 01.06.2016. godine, stranka je počela da koristi dvije poslovne prostorije, i to: poslovnu prostoriju površine 19 m<sup>2</sup> uz mjesečnu naknadu od 285,00 KM i poslovnu prostoriju površine 21 m<sup>2</sup> uz mjesečnu naknadu od 315,00 KM.

Na osnovu Anexa ugovora o zakupu poslovnih prostorija, broj: 72/16 od 31.10.2016. godine, stranka je otkazala korišćenje poslovne prostorije površine 21 m<sup>2</sup> tako da je ukupan zakup ove prostorije za period od pet (5) mjeseci iznosio 1.575,00 KM, dok će se poslovna prostorija površine 19 m<sup>2</sup> uz mjesečnu naknadu od 285,00 KM koristiti na neodređeno vrijeme, što je za period važenja ugovora od 7 mjeseci ukupna vrijednost zakupa poslovne prostorije iznosila 1.995,00 KM. Time, ukupan zakup poslovnih prostorija u 2016. godini je iznosio 3.570,00 KM, što je za 1.000,00 KM manji u odnosu na iskazani iznos u godišnjem finansijskom izvještaju.

- Služba za reviziju je utvrdila da je Građanski savez u obrascu 4.1 godišnjeg finansijskog izvještaja iskazao i u poslovnim knjigama evidentirao troškove takse za ovjeru za izbore u iznosu od 4.600 KM, odnosno ukupne rashode u obrascu 4 (rashodi političke stranke) iskazao je u većem iznosu za 1.500,00 KM, što je suprotno odredbama člana 21. i člana 22. Pravilnika.

Na osnovu Odluke Centralne izborne komisije BiH o povratu uplaćenog novčanog iznosa takse za ovjeru, broj: 06-1-07-3-1513/16 od 14.12.2016. godine, utvrđeno je da su stranci vraćena sredstva od takse u iznosu od 1.500,00 KM i uplaćena na transakcijski račun stranke broj: 1346101001725028 kod Investiciono-komercijalne banke d.d. Zenica, te je time stranka troškove takse za izbore imala u iznosu od 3.100,00 KM, a ne u iznosu od 4.600 KM, koliko je iskazala u godišnjem finansijskom izvještaju i u poslovnim knjigama.

- U finansijskom izvještaju nisu pravilno uneseni podaci o pravnim licima koja su bila donatori političkoj stranci. Nazivi pravnih lica su nepotpuni, odnosno ne sadrže mjesto, koje se u skladu sa važećom legislativom obavezno upisuje u naziv pravnog lica.

- (4) Pregledom finansijskog izvještaja, poslovnih knjiga i dodatne dokumentacije utvrđeno je da Građanski savez nije uspostavio potpune i tačne evidencije o obavezama stranke, te ih nije pravilno iskazao u finansijskom izvještaju, čime je prekršio odredbe člana 24. Pravilnika.



U finansijskom izvještaju politička stranka je iskazala ukupne obaveze na dan 31.12.2016. godine u iznosu od 18.800,00 KM koje se odnose na obaveze po osnovu pozajmica od fizičkih lica. Služba za reviziju je utvrdila da stranka nije iskazala obaveze prema dobavljačima u iznosu od 20.354,50 KM.

Pregledom poslovnih knjiga i finansijskog izvještaja utvrđeno je da stranka nije iskazala obaveze prema sljedećim dobavljačima: Ekonomski institut Sarajevo u iznosu od 1.369,06 KM, Bosnia hoteli d.o.o. u iznosu od 467,00 KM, Europa d.d.o. u iznosu od 850,00 KM, Oslobođenje d.o.o. u iznosu od 12.373,33 KM, Colors print obrt d.o.o. u iznosu od 265,00 KM, Intea BH d.o.o. u iznosu od 5.000,11 KM i HS kablovska d.o.o. u iznosu od 30,00 KM.

- (5) Građanski savez nije dostavio finansijski izvještaju za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine u zakonom određenom roku, čime je prekršio odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.<sup>11</sup> Stranka je postizborni finansijski izvještaj dostavila dana 15.12.2016. godine<sup>12</sup>.

### **Troškovi izborne kampanje**

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM<sup>13</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Građanski savez je u svrhu izborne kampanje mogao da potroši 394.215,00 KM.

Građanski savez je u godišnjem finansijskom izvještaju iskazao troškove izborne kampanje u iznosu 62.796,62 KM.

### **5.2 PREPORUKE**

*Preporučuje se Građanskom savezu da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da se ne finansira iz zakonom zabranjenih izvora,*
- *da poslovne knjige vodi u skladu sa računovodstvenim propisima,*
- *da uspostavi potpune i tačne evidencije o prihodima, rashodima i obavezama,*

---

<sup>11</sup> Politička stranka i nezavisni kandidat koji učestvuju na izborima za organe vlasti Bosne i Hercegovine na svim nivoima dužni su, u vrijeme podnošenja prijave za ovjeru za učešće na izborima, Centralnoj izbornoj komisiji BiH podnijeti finansijski izvještaj za period koji počinje tri mjeseca prije dana podnošenja prijave za ovjeru. Osim toga, u roku od trideset dana od dana objavljivanja izbornih rezultata u Službenom glasniku BiH, podnosi se i finansijski izvještaj za period od dana podnošenja prijave za ovjeru za izbore do dana ovjere rezultata izbora.

<sup>12</sup> Krajnji rok za dostavu postizbornog izvještaja za Lokalne izbore 2016. godine bio je 01.12.2016. godine.

<sup>13</sup> Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da finansijske izvještaje podnosi u rokovima propisanim Zakonom o finansiranju političkih stranaka i odredbama člana 15.1 stav (1) Izbornog zakona Bosne i Hercegovine.*

## **KOMENTAR**

Građanski savez se očitovao na Preliminarni izvještaj revizije u formi žalbe, kojom osporava nalaz revizije da je stranka primila zabranjeni prilog. Obzirom da stranka nije dostavila nove dokaze kojim bi osporila nalaze revizije, nalazi revizije i mišljenje revizora iz Preliminarnog izvještaja je ostalo nepromjenjeno.

Pomoćnik revizora

Mr.sc. Goran Cicović

Šef Službe za reviziju

Mr. sc. Hasida Gušić